

# Assistent da pratica da medi AFQ

## Assistent da pratica da medi AFQ

Medizintechnik

Wirtschaft, Verwaltung, Sicherheit

### Durada

3 onns

### Terminaziun

Eidgenössisches  
Fähigkeitszeugnis EFZ

### Indicaziuns davart il salari

1. onn d'emprendissadi: CHF  
400–700.–  
2. onn d'emprendissadi: CHF  
900–1045.–  
3. onn d'emprendissadi: CHF  
1200–1485.–

Sut la responsabladad da las medias e dals medis exequeschan assistents ed assistentas da pratica da medi en ina pratica da medi incaricas da las quatter suandantas sorts: retschaiver pazients e pazientas e planisar termins, far lavurs administrativas, sustegnair ils medis ed exequir lavurs da labor e radiografia.

## Incumbensas

### Retschaiver e cussegliair ils pazients

- prender encunter telefonats, elavurar dumondas, sa cussegliair cun las medias, fixar termins
- retschaiver, infurmar, calmar ils pazients ed als preparar per il tractament
- exequir sin incarica dals medis registraziuns da l'activitad dal cor (ECG), mesiraziuns da la pressiuin dal sang, injeziuns u autras mesiraziuns
- metter a disposiziun ils materials necessaris per l'examinaziun medicinala
- assister a las medias durant tscherts tractaments u durant pitschnas operaziuns: metter en gip, metter si faschadiras e dar medicaments

### Administraziun

- metter à jour las actas dals pazients cun resguardar las mesiras en connex cun la protecziun da datas
- transcriber brevs e rapports dictads dals medis, s'occupar da la facturaziun e da la contabilitad
- preparar receipts che ston vegnir suttascrits da la media
- empustar material necessari per la pratica: material da faschar, medicaments, chemicalias da labor, formulars e receipts

### Labor e radiologia

- examinar provas da sang, p.ex. eruir l'enquagliada da sang e la valur da hemoglobin, dumbrar e differenziar cellas da sang alvas e cotschnas

- far maletgs da radiologia dal pèz e da las extremitads
- far analisas clinic-chemicas, p.ex. per eruir il nivel dal zutger en il sang u l' carbamid en l'urin, il colesterin ed ils proteins
- sterilisar ils utensils duvrads e garantir ch'ils apparats funcziunian

## **Ambient da lavur**

Assistents ed assistentas da pratica da medi lavuran en praticas da medi, en praticas comunablas u en ambulatoris da ospitals. Tut tenor spezialisaziuns da la pratica exequeschan els tut u ina part da las lavurs descrittas. Per tscherts tractaments portan els vestgadira da protecziun: scussal, mascrina e guants che protegian d'infecziuns.

Els han per part uras da lavur irregularas e ston reagir flexiblamain en cas d'urgenza e far sururas.

La glieud da professiun ha bunas vistas sin il martgà da lavur.

## **Pretensiuns e interess**

### **Pretensiuns**

- Quietezza e calma
- Savair vesair sang
- Empatia
- Curtaschia e sensibilitad
- Discreziun
- Senn per l'ospitalitad
- Senn per igiena e per nettezza
- Moda da lavurar conscienziusa ed exacta

---

### **Interess**

- Gidar e tgirar autras personas
- Planisar, organisar
- Lavurar en il team
- Avair contact cun personas

# Scolaziun

## Manaschis

---

En ina pratica da medi

## Scola

---

A la scola professiunala; 2dis en il 1. onn d'empredissadi, 1 di en il 2. e 3. onn d'empredissadi

## Curs odaifer il manaschi

---

Emprender ed exercitar a moda pratica la basa professiunala, 38 dis durant 3 onns

## Scola a temp cumplain

---

L'attestat federal da qualificaziun po er vegnir absolvì sin scolas privatas sin agens custs

## Tut las scolas

<https://www.berufsberatung.ch/de/suche/aus-weiterbildungen?profession=57014&language=5239>

## Durada

---

3 onns

## Cundiziuns d'admissiun

---

- Temp da scola obligatoric terminà
- Tscherts manaschis fan in test da qualificaziun
- Bunas prestaziuns en biologia, chemia e fisica

## Maturitad professiunala

---

Tar fitg bunas prestaziuns da scola po vegnir frequentada la scola da maturitad professiunala durant la furmaziun da basa.

## Titel da finiziun

---

Assistent / Assistentia da pratica da medi AFQ

# Furmaziun cuntinuonta

## Curs

Purschidas d'associaziuns professiunalas e da scolas professiunalas

## Examen professiunal (EP)

Coordinatura da pratica da medi cun certificat professiunal federal, specialist per assicuranzas cun certificat professiunal federal u specialista en instituziuns da sanadad cun certificat professiunal federal

## Examen professiunal superiur (EPS)

P.ex. expert diplomà d'assicuranzas, experta diplomada en instituziuns da sanadad

## Scola specialisada superiura (SSS)

P.ex. specialist da tgira diplomà SSS, specialista per radiologia, analiticher bio-medicinal diplomà SSS, specialista d'activaziun diplomada SSS

## Scola auta specialisada (SAS)

P.ex. Bachelor of Science (SAS) en tgira, ergoterapia e fisioterapia. Tut tenor scola auta specialisada valan differentas cundiziuns d'admissiun.

## Professiuns sumegliantas

## Ulteriuras infurmaziuns

Swissdoc Nummer

TODO

**SVA Schweiz. Verband Medizinischer Praxis-Assistentinnen**

<https://www.sva.ch>

TODO

<https://www.becc.admin.ch/becc/public/bvz/beruf/show/86915?lang=de>